

第二篇

跳蚤市場 過期品？

阿力載等阿喵喵，帶等阿毛，輕鬆樂線在河壩騎自行車。

「你兜看，青青个天、白白个雲，樹頂个鳥仔啾啾滾。」

「哈囉！細鳥仔，你兜好！」

「汪！汪！」

「喵？咕嚕？」

阿力同阿毛看等阿喵喵講：「仰會有咕嚕个聲呢？」阿喵喵當敗勢講：「因為係肚屎枵了。」

「哈哈，無問題，社區今晡日有辦跳蚤市場，偲來去遶遶啊，看有賣麼个

好東西無？」阿力講。

阿力、阿喵喵同阿毛轉到社區，看著社區中庭早就擺滿了各種各樣个攤仔，異多歇這个人都同屋下用毋著个東西拿出來，用同人換抑係便宜个價數賣忒。

江阿伯滷个泡菜，叔婆伯姆都說都會企。

黃阿叔个二手衫褲攤仔乜想愛拈好空个人尖到搵搵。

蔡阿哥个攤仔項，展示佢收藏當多年个人公仔、鋼彈模型、樂高玩具膠模型車，成功錫著每一個細阿俵仔个注意。

陳阿姊个攤仔項賣佢自家焙个餅仔，還有各種各樣用乾燥花編个手環。

阿力帶等阿毛同阿喵喵，在跳蚤市場一攤一又攤定仔逛。逛到歇在八樓个阿奇泰厥攤仔个時節，又聽著阿喵喵厥肚屎「咕嚕？咕嚕？」个聲。

堵好阿奇泰个攤仔有賣異多寵物用品，無論係狗仔，還係貓仔个，項項都有。

阿喵喵看等這隻攤仔，口涎水緊吞，因爭裡背有佢盡好食个寵物罐頭。

阿力看阿喵喵佢想愛食，就想講買兜仔寵物罐頭轉去。阿力問頭家阿奇泰講：「這兜罐頭仰仔賣？」

阿奇泰講：「總下大特價，一罐六十個銀，四罐收你兩百個銀就好。」

阿力講：「仰會恁便宜？今晡日正經賺著了！」

阿奇泰講：「偲有畜一條細狗仔，結果佢買毋著，買著貓仔罐頭，買了幾下箱，故所正拿出來便宜賣。」

阿力講：「還好哪！吾阿喵喵盡好食這寵物罐頭，佢買八罐分佢食。」

跳蚤市場逛逛啊，買著想愛个東西，正轉到屋下，阿喵喵就等毋掣了，請阿力膠罐頭打開來，佢盡命拈咈。

「喵？好食好食，還過願喔！」阿喵喵兩下般就同罐頭食到淨淨，在角頭惦惦仔洗手洗面。

毋過正過無幾久仔，阿喵喵好點點仔開始緊呻緊噉。

「吾肚屎還痛喔！喵？」阿喵喵講。

「敢係你食忒遽了，這下無消化？」阿毛講。

「佢毋知，總講就係肚屎痛。」阿喵喵既經痛到在地泥下滾滾碾了。

阿力煞煞摻阿喵喵送到獸醫院，好得有較早處理，醫生講阿喵喵怕係食著無萋个東西，正會毋鬆爽。

轉到屋下過後，阿力拿等今晡日買个寵物罐頭，詳細研究正發現，罐頭项个保存期限竟然有改過个痕跡。

「還孤盲喔！仰做得同過期个食物拿出來賣？佢愛去退貨。」阿力決定愛去同阿喵喵討隻公道。

阿力帶等阿毛去到八樓阿奇泰厥屋下掀門鈴。掀了好久仔，阿奇泰正慢趨趨仔打隻縫。

「你好，係阿力喔，仰仔呢？」阿奇泰在門縫後背講。

共下來胚想

阿力詳細看貓罐頭项个日期，正發現有兜日期分人改忒，左片四隻貓罐頭项个有效日期都分人改過了，請在空格裡肚寫出本旦个有效日期。

（正確答案請看第 109 頁）

阿力同今晡日買个寵物罐頭拿高高，對阿奇泰講：「吾阿喵喵食了今晡日同你買个罐頭過後，就肚屎痛了，佢詳細看，正發現你賣个罐頭總下都過期了呢。」

阿奇泰講：「若貓仔肚屎痛又無定著就係吾罐頭造成个，你莫儘採賴人喔。」

阿力無想著對方竟然會毋承認，手比等罐頭项个保存期限講：「就算無食壞肚屎，無成就做得賣過期个食物分人客喙？」

阿奇泰这个時節正摻門打開來，同罐頭拿過去詳細看，過了無好嘴對阿力講：「哪有過期！濫糝賴佢！」

阿毛對門縫項發現阿奇泰厥屋下有當多狗骨頭同狗玩具，看大家無注意著佢，一下仔就走到阿奇泰厥屋下去，結果本旦屋仔當恬靜，旋風傳來「磬磬鏘鏘」麼个去撞東西个聲。

原來阿奇泰厥屋下，畜了一條細狗仔，關在籠仔裡肚吠就係吠，動物个屎尿、飼料總下擺擺共下。阿力鼻公揞等，這搭仔臭風轟天佢實在佇毋著，對阿

奇泰講：「你毋係講你淨畜一條細狗仔，環境仰會恁厝糟恁亂啊？」

阿奇泰這個時節正心虛同佢會失禮：「因為寵物罐頭買忒多箱，都放到過期了，為著莫打爽錢，正會偷偷仔改保存期限過賣出去。敗勢啦，害阿喵喵無鬆爽，醫藥費佢會賠你啦。」

阿力接受阿奇泰同佢會失禮，同佢講：「還有，你做毋得恁呢照顧狗仔，你愛膠佢洗身清潔，乜愛帶佢出去運動，做毋得膠狗仔透日關在屋肚。」

阿奇泰講：「這條細狗仔既經係吾个伴了，今晡日開始佢會好好照顧佢，同佢拚掃環境，帶佢出去運動。請你原諒佢。」

阿力看阿奇泰人恁有誠心同佢會失禮，就原諒佢了。還約好下二擺愛共下帶阿毛同阿奇泰厥屋下个細狗仔出去運動搞寮。

共下來胚想

左片係阿奇泰厥屋下个廳下，你做得同阿毛搵尋出六個狗仔个用具無。尋著過後，請膠佢箍起來。

(正確答案請看第 109 頁)

誠信品德想看啊

①麼人在跳蚤市場賣過期食品？

A 阿力

B 阿奇泰

C 阿毛

②做麼个做毋得賣過期食品？(複選)

A 恁呢做毋道德

B 可能會影響其他人个康健

C 這係違法个

D 無符合環保

(正確答案請看第 109 頁)

③買著過期食品，愛仰結煞？

買著過期食品

擲忒莫食佢 同頭家講厥東西過期了 抑係佢乜做得……

講看啊你做麼个會恁呢做呢？

下二擺做得仰仔做，正毋會買著過期食品？